

O'ZBEKISTON RESPUBLIKASI
ADLIYA VAZIRLIGI
HUZURIDAGI DAVLAT
XIZMATLARI AGENTLIGI

TOSHKENT SHAHAR
BOSHQARMASI

MIROBOD TUMAN
DAVLAT XIZMATLARI
MARKAZI
ROYXATGA OLINDI
27 04 18 183



Ўзбекистон Республикаси
Соғлиқни сақлаш вазирлигининг
2018 йил “24” апр даги
484 -сонли буйруғига ИЛОВА

TOSHKENT FARMATSEVTIKA INSTITUTI

У С Т А В И

(янги тахрирда)

Тошкент - 2018 йил.

Ўзбекистон Республикаси
Соғлиқни сақлаш вазирлигининг
2018 йил “_____” _____ даги
“_____”-сонли буйруғига ИЛОВА

1. Умумий қоидалар.

1. Аввал Тошкент шаҳар Миробод тумани тадбиркорлик субъектларни давлат рўйхатдан ўтқозиш инспекция томонидан 2014 йил 13 мартда 03-000064-реестр рақами билан давлат рўйхатидан ўтган Тошкент фармацевтика институти (кейинги ўринларда матнда Тошфарми деб юритилади) Ўзбекистон Соғлиқни сақлаш халқ комиссарининг 1937 йил 16 июлдаги 155-сон буйруғига асосан ташкил этилган.

2. Тошкент фармацевтика институти (Тошфарми) давлат тиббиёт олий таълим муассасаси ҳисобланиб, олий таълимнинг асосий ва қўшимча таълим Дастурларини бажариш бўйича таълим фаолияти билан шуғулланади. Шунингдек, Ўзбекистон Республикасининг қонун ҳужжатларига мувофиқ ўқув-педагогик, илмий-методик ва бошқа фаолиятни амалга оширади ҳамда таълим хизматларини кўрсатади.

Тошкент фармацевтика институти Ўзбекистон Республикаси Соғлиқни сақлаш вазирлигига қарашли бўлиб, давлат тасарруфидаги муассасадир.

3. Тошфарми ўз фаолиятида Ўзбекистон Республикасининг Конституцияси, Ўзбекистон Республикасининг “Таълим тўғрисида”ги Қонуни, Ўзбекистон Республикасининг Олий Мажлис палаталарининг қарорлари, Ўзбекистон Республикаси Президентининг Фармонлари, қарорлари, Ўзбекистон Республикасининг Вазирлар Маҳкамасининг қарорлари ва фармойишлари, Ўзбекистон Республикасининг Олий ва ўрта махсус таълим вазирлигининг норматив-ҳуқуқий ҳужжатлари, Ўзбекистон Республикаси Соғлиқни сақлаш вазирлиги буйруқлари ва кўрсатмалари, Кадрлар таёрлаш миллий дастурига ва мазкур Уставга амал қилади.

4. Тошфарми юридик шахс ҳисобланади. Оператив бошқарувида ўзига хос махсус мол-мулкка эга ва ушбу мол-мулк бўйича ўз мажбуриятларига мувофиқ жавоб беради, ўз номидан мол-мулк сотиб олиши ва мулкий ҳамда номулкий ҳуқуқларни амалга ошириши, зиммасига мажбурият олиши, судда даъвогар ва жавобгар бўлиши мумкин.

Тошфарми мустақил балансга, банк муассасаларида ҳисоб-китоб рақамларига, шу жумладан валюта бўйича ҳисоб рақамларига, Ўзбекистон Республикаси Давлат герби тасвири туширилган ва ўз номи ёзилган доиравий муҳрга, штамплар ва бошқа реквизитларга эга.

Тошфарми жойлашган манзил: 100015, Тошкент шаҳри, Миробод тумани, Ойбек кўчаси, 45-уй.

Тошфармининг ўзбек, (лотин) рус ва инглиз тилларидаги расмий тўлик (қисқа)номи:

Тошкент фармацевтика институти (Тошфарми);

Toshkent farmatsevtika instituti (Toshfarmi);

Ташкентский фармацевтический институт (Ташфарми);
Tashkent pharmaceutical institute (Tashpharmi).

II. Институтнинг мақсад ва вазифалари

5. Тошфармининг асосий вазифалари қўйидагилардан иборат:

шахснинг интеллектуал, маданий ва маънавий-ахлоқий камол топишига бўлган эҳтиёжларини олий таълим ва олий таълимдан кейинги маълумот олиши орқали эришишни қондириш;

хар томонлама ривожланган ва ватанга содиқ шахсни, мустақил давлат фуқаросини, ўз ватанининг фидойиси, халқ, жамият ва оила олдидаги ўз масъулиятини ҳис қилувчи, миллий ва умуминсоний қадриятларни ҳурмат қилувчи, халқ анъаналарини бойитувчи ва мустақамловчи, ватанимиз келажаги учун виждонан ва ҳалол меҳнат қилувчи этиб шакллантириш;

илмий-педагог ходимлар ва таълим олувчиларнинг тадқиқотлари ва ижодий фаолиятлари орқали фанни тараққий эттириш, олинган натижалардан таълим жараёнида фойдаланиш;

тиббиёт ва ишлаб чиқаришнинг мувофиқ соҳаларидаги олий маълумотли мутахассисларни ва илмий-педагог кадрларни тайёрлаш, қайта тайёрлаш ва малакасини ошириш;

жамиятнинг ахлоқий, маданий ва илмий қадриятларини сақлаш ва бойитиш;

аҳоли ўртасида билимларни тарқатиш, унинг маънавий-маърифий ва маданий даражасини кўтариш.

аҳоли соғлиғини сақлаш, соғлом турмуш тарзини шакллантириш.

III. Ўқув-тарбиявий ва илмий-методик ишларнинг субъектлари, уларнинг ҳуқуқ ва мажбуриятлари

а) Бакалаврият ва магистратура талабалари:

6. Тошфармига қонунчиликда белгиланган тартибда умумий ўрта, ўрта махсус, касб-хунар таълими маълумотиغا эга бўлган шахслар аризаларига биноан Ўзбекистон Республикаси олий таълим муассасаларига талабаларни қабул қилиш тартиби ва қоидаларига мувофиқ Ўзбекистон Республикаси таълим муассасаларига қабул қилиш бўйича Давлат комиссияси томонидан тест синовлари натижаларига кўра тўпланган балларнинг рейтинг тизими бўйича амалга оширилади.

Олий таълим муассасасига қабул барча учун (ҳам грантлар, ҳам тўлов-контракт бўйича) тенг ҳуқуқлилик, ягона қабул қоидалари ва ягона танлов асосида амалга оширилиб, тест синовларида энг юқори балл тўплаган абитуриентларнинг давлат грантлари бўйича биринчи навбатда қабул қилиниши ҳуқуқи таъминланади. Қолган абитуриентлар тест баллари рейтинги асосида белгиланган тўлов-контракт квоталари доирасида қабул қилиниши ҳуқуқига эгадирлар. Қонунчиликка мувофиқ тест синовларисиз муайян имтиёз асосида ҳам ўқишга қабул қилиш кафолатланади.

Тошфарми ректорининг буйруғи билан ўқишга қабул қилинган шахслар Тошфарми бакалавриат ёки магистратура талабалари ҳисобланади. Талаба ва магистратура талабаларига талабалик гувоҳномаси ҳамда рейтинг дафтарчаси берилади.

7. Тошфарми бакалавриат ва магистратура талабалари қўйидаги ҳуқуқларга эга:

фан, техника, замонавий технологиялар ютуқларига мос келувчи билимлар олишга;

олий таълим муассасаси ахборот-ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланишга;

бепул маслаҳатлар ва йўл-йўриқлар олишга;

аудиториялар, таълим жараёнига оид воситалардан ўрнатилган тартибда бепул фойдаланишга;

таълим жараёни самарадорлиги ва таълим сифатини ошириш юзасидан ўз таклиф-мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдиришга ва уларни қўриб чиқилишини талаб қилишга;

олий таълим муассасаси ва факультет миқёсида ўтказиладиган оммавий тадбирларда иштирок этишга;

илмий-тадқиқот ишларида ва илмий конференцияларда қатнашишга ва уларнинг натижаларини нашр этишга ва бу ҳақида ахборотлар беришга;

олий таълим муассасасида қонуний равишда фаолият юритаётган жамоат бирлашмаларига аъзо бўлиш ва улар ишида қатнашишга.

Бакалавриат ва магистратура талабалари сифатли ва юқори савияда билим олиши, танлаган ихтисослиги бўйича юқори малакали мутахассис бўлиб етишиш учун зарур бўлган қонун ҳужжатларига зид бўлмаган бошқа ҳуқуқлардан фойдаланишга ҳақлидир.

Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

8. Давлат грантлари ва тўлов-контракт асосида ўқиётган бакалавриат ва магистратура талабалари Ўзбекистон Республикаси Вазирлар Маҳкамаси томонидан белгиланган тартиб ва миқдорда стипендия билан таъминланадилар.

Бакалавриат ва магистратура талабалари тегишли меъёрий-ҳуқуқий ҳужжатларга асосан Ўзбекистон Республикаси Президенти Давлат стипендияси, Ибн Сино ва Ислом Каримов номларидаги Давлат стипендиялари ҳамда бошқа жамоатчилик ташкилотлари томонидан таъсис этилган, шунингдек, ўқишга йўллаган юридик ва жисмоний шахслар томонидан тайинланган стипендияларни олиш ҳуқуқига эгадирлар.

9. Ҳарбий хизматни ўташ, саломатлигини тиклаш, ҳомиладорлик ва туғиш, шунингдек болаларни парвариш қилиш таътиллари даврида талабаларига Ўзбекистон Республикаси Олий ва ўрта махсус таълим вазирлиги томонидан тасдиқланган тартиб асосида академик таътил берилиши мумкин.

10. Ўзбекистон Республикаси қонун ҳужжатларига мувофиқ таълим олаётган талабаларга олий таълим муассасасида ўқиётган вақти давомида ҳарбий хизматга чақириш муддатини кечиктириш имкони берилади.

11. Талабалар турар жойида яшашга муҳтож талабалар институт талабалар турар жойларидан санитария меъёрлари ва қоидаларига жавоб берадиган жой билан таъминланадилар. Талабалар турар жойи учун тўлов суммаси коммунал-маиший хизматлар учун тўловлар инобатга олинган ҳолда институт раҳбарияти томонидан белгиланади. Турар жойга муҳтож талабалар мавжуд бўлган ҳолда, олий таълим муассасасининг талабалар турар жойлари майдонидан бошқа мақсадларга фойдаланиш (ижарага бериш, бошқа келишувлар)га руҳсат этилмайди.

Ўзбекистон Республикасининг амалдаги меъёрий ҳужжатларида белгиланган тартибда талабаларга ўқишдан бўш вақтларида институтнинг ўзида, шунингдек, бошқа жойларда ишлашга руҳсат этилади.

12. Тошфармидан ўз хоҳиши ёки узрли сабабларга кўра талабалар сафидан четлаштирилган бакалаврият ва магистратура талабалари ўқишини кўчириш, қайта тиклаш ва ўқишдан четлаштириш тартиби ва қоидалари асосида қайта ўқишга тикланиш ҳуқуқига эга.

Илгари институт маъмуриятининг ташаббуси билан бакалаврият ва магистратура талабалари сафидан четлаштирилган шахсларни, барча ўқув шакллари бўйича қайта тиклаш тўлов-контракт асосида амалга оширилади.

Тошфарми бакалаврият ва магистратура талабалари белгиланган тартиб ва қоидалар асосида бошқа олий таълим муассасаларига ўқишларини кўчириш (ўқишга қайта тикланиш) ҳуқуқига эга.

13. Ўзбекистон Республикаси ҳудудида таълим фаолиятини олиб бориш учун лицензияга эга бўлмаган нодавлат олий таълим муассасалари ва бошқа мамлакатлар олий таълим муассасаларининг филиаллари (марказлар, бўлимлар, ўқув-маслаҳат пунктлари ва бошқалар)дан бакалаврият ва магистратура талабаларини Тошфармига ўқишини кўчириши (ўқишга тиклаши) мумкин эмас.

Бакалаврият ва магистратура талабалари ўқишини бир олий таълим муассасасидан бошқасига кўчириш, қайта тиклаш ва ўқишдан четлаштириш тартиби ва қоидалари Ўзбекистон Республикаси Вазирлар Маҳкамаси томонидан белгиланади.

14. Тошфарми бакалаврият ва магистратура талабалари, қайта тайёрлаш ва малака ошириш курслари тингловчилари белгиланган таълим дастурлари ва ўқув режасида назарда тутилган билимларни эгаллашлари, топшириқларнинг барча турларини белгиланган муддатда бажаришлари зарур ҳамда Институт Уставига, Ички тартиб қоидалари ва талабалар турар жойларида яшаш қоидаларига риоя этишлари шарт.

Ўзбекистон Республикаси Ҳукумати қарорларида назарда тутилган ҳоллардан ташқари, бакалаврият ва магистратура талабалари, қайта тайёрлаш ва малака ошириш курслари тингловчиларини ўқиш вақти ҳисобидан таълим жараёни билан боғлиқ бўлмаган ишларга жалб этиш ман этилади.

15. Ушбу Устав ва институтнинг Ички тартиб қоидаларида назарда

тутилган мажбуриятларни бузгани тақдирда бакалавриат ва магистратура талабалари, қайта тайёрлаш ва малака ошириш курслари тингловчиларига нисбатан қўйидаги интизомий жазо чоралари қўлланилади:

1. хайфсан;

2. таълим олувчилар (талабалар ёки тингловчилар) сафидан четлатиш.

Таълим олувчи (бакалавриат ва магистратура талабалари, қайта тайёрлаш ва малака ошириш курслари тингловчи)лар қўйидаги ҳолларда таълим олувчилар сафидан четлаштирилиши мумкин:

а) ўз хоҳишига биноан;

б) ўқишнинг бошқа таълим муассасасига кўчирилиши муносабати билан;

в) саломатлиги туфайли (тиббий комиссия маълумотномаси асосида);

г) ўқув интизомини ва олий таълим муассасасининг ички тартиб-қоидаларини бузганлиги учун;

д) бир семестр давомида дарсларни узрли сабабларсиз 74 соатдан ортиқ қолдирганлиги сабабли;

е) ўқиш учун белгиланган тўлов ўз вақтида амалга оширилмаганлиги сабабли (тўлов-контракт бўйича таҳсил олаётганлар учун);

ж) талаба суд томонидан озодликдан маҳрум этилганлиги муносабати билан;

з) вафот этганлиги сабабли.

16. Белгиланган муддатларда фанларни ўзлаштира олмаган (академик қарздор бўлган) талаба институт ректори буйруғи билан курсдан қолдирилади.

Академик қарздорлиги туфайли курсдан қолдирилган талаба тўлов-контракт асосида ўқишини қуйи курсдаги ўқув семестри бошидан бошлаши мумкин.

Курсдан қолдирилган талаба ушбу Уставнинг 15-бандидаги ҳолатлар бўйича талабалар сафидан четлаштирилиши мумкин.

17. Институт маъмурияти ташаббуси билан ушбу Уставнинг 15-банди «е)» кичик бандига кўра талабаларни ўқишдан четлаштириш талабалар касаба уюшмасининг ёзма розилигини инобатга олган ҳолда (касаба уюшмаси аъзоси бўлган талабалар учун) амалга оширилади. Шунингдек, талаба мазкур Низомнинг 15-банди «г)» кичик бандига кўра четлаштирилаётган ҳолда, таълим муассасасининг Ёшлар иттифоқи бошланғич ташкилоти билан ҳам келишилиши мумкин.

18. Интизомий жазога тортилган бакалавриат ва магистратура талабалари, қайта тайёрлаш ва малака ошириш курси тингловчилари ўзларига қўлланилган жазо чорасининг қонунийлиги ва адолатлилиги юзасидан қонун ҳужжатларида белгиланган тартибда норозилик билдириши мумкин.

19. Бакалавриат ва магистратура талабалари ҳамда қайта тайёрлаш курси тингловчиларига нисбатан қўлланилган интизомий жазо юзасидан маълумот уларнинг шахсий йиғма жилдларида сақланади.

Интизомий жазолар бакалавриат ва магистратура талабалари, қайта тайёрлаш ва малака ошириш курслари тингловчиларининг касаллик ёки

таътилда бўлган вақти ҳисобга олинмаган ҳолда хатти-харакат аниқлангандан сўнг бир ойдан ва хатти-харакат содир этилганидан сўнг олти ойдан кечиктирилмай қўлланилади. Бакалаврият ва магистратура талабалари, қайта тайёрлаш ва малака ошириш курслари тингловчиларини касаллик пайтларида, академик таътил ёки таътил пайтларида таълим олувчилар сафидан четлаштириш мумкин эмас.

20. Касаллик пайтида бакалаврият ва магистратура талабалари, қайта тайёрлаш ва малака ошириш курслари тингловчилари (ёки уларнинг ота-оналари) ариза ва тегишли маълумотномалар билан, одатда, бир хафтадан кечиктирмасдан деканатларга маълум қиладилар.

б) Тингловчилар:

21. Тошфармида фармацевт кадрлар малакасини ошириш ва қайта тайёрлаш факультетида ўқиётган шахслар тингловчилар ҳисобланади. Тингловчиларнинг мақоми таълим хизматларини олиш қисми бўйича олий таълим муассасасида мувофиқ ўқув шаклида таълим олаётган бакалаврият ва магистратура талабаларининг мақоми билан тенглаштирилади.

Кадрлар малакасини ошириш ва қайта тайёрлаш тартиби, тингловчиларни ўқитиш шартлари ва ҳуқуқлари қонун ҳужжатларига мувофиқ тегишли меъёрий-ҳуқуқий ҳужжатлар билан белгиланади.

в) Таянч докторантлар, докторантлар ва мустақил изланувчилар:

22. Тошфармининг таянч докторантлар, докторантлар ва мустақил изланувчилари бўлиб тегишли илмий даражани олиш учун диссертация тайёрлаётган шахслар ҳисобланади.

23. Тошфармининг таянч докторантлар, докторантларига магистр даражаси бўлган, илмий ва илмий-педагогик фаолияти стажига (3 йилдан кам бўлмаган), шунингдек, фан номзоди илмий даражасига эга бўлганлар қабул қилинади.

24. Таянч докторантлар, докторантларига диссертация устида ишлаётганликлари учун имтиёзлар бериш тартиби, уларнинг ҳуқуқ ва бурчларини белгилаш, Ўзбекистон Республикаси Олий ва ўрта махсус таълим вазирлиги томонидан тасдиқланган Низомга мувофиқ белгиланади.

25. Таянч докторантлар, докторантларининг ойлик маош ҳақи миқдори Ўзбекистон Республикаси Молия вазирлиги томонидан белгиланади.

26. Тошфармининг 27.06.2017 Far/V32.01 илмий даража берувчи илмий кенгаши 4 та ихтисослик: Дори технологияси, Фармацевтика ишини ташкил қилиш, Фармацевтик кимё ва фармакогнозия, Фармакология ва клиник фармакология бўйича фалсафа доктори (PhD) ва фан доктори (DSc) диссертациялари ҳимояси борасида фаолият олиб боради.

г) институт педагог ходимлари, ўқув-ёрдамчи ходимлар:

27. Тошфармида педагог ходимлар таркиби, илмий ходимлар, муҳандислик-техник, маъмурий-хўжалик, ишлаб чиқариш, ўқув-ёрдамчи ва бошқа хизматчилар лавозимлари мавжуд.

28. Педагог ходимлар таркибига кафедра мудири, профессор, доцент, катта ўқитувчи, ўқитувчи ва ўқитувчи-стажёр (2 йилдан кам педогогик стажга эга бўлганлар) киради.

29. Педагог ходимлар таркибидаги лавозимларни эгаллаш “Олий таълим муассасаларига педагог ходимларни танлов асосида ишга қабул қилиш тартиби тўғрисида”ги Низомга мувофиқ танлов асосида меҳнат шартномаси бўйича амалга оширилади.

30. Институтнинг проректорлари ректор тавсиясига кўра Соғлиқни сақлаш вазири томонидан Ўзбекистон Республикаси Президенти девони билан келишилган ҳолда тайинланади. Факультет декани Соғлиқни сақлаш вазирлиги билан келишилган ҳолда институт ректорининг буйруғи билан тайинланади.

31. Тошфармининг педагог ва илмий ходимлари қуйидаги ҳуқуқларга эга:

белгиланган тартибда институт ва факультет Кенгашларига сайлаш ва сайланиш;

институт фаолиятига тааллуқли масалаларни муҳокама қилишда иштирок этиш;

институт ахборот-ресурс маркази, ўқув-услубий ва илмий бўлимларнинг хизматларидан, шунингдек, ижтимоий-маиший, тиббий ва бошқа бўлимлар хизматидан жамоа шартномасига мувофиқ фойдаланиш;

ўқитишнинг услуб ва воситаларини танлаш, ўқув ва илмий жараённинг юқори сифатини таъминловчи илмий тадқиқот ишларини амалга ошириш;

институт маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;

қонунчиликда белгиланган тартибда танловларда қатнашиш, лавозимларни эгаллаш;

Ўзбекистон Республикаси Вазирлар Маҳкамасининг 2012 йил 18 октябрдаги 297-сонли “Ўриндошлик асосида ҳамда бир неча касба ва лавозимда ишлаш тартиби тўғрисидаги Низомни тасдиқлаш тўғрисида”ги қарори билан тасдиқланган Низом ва унга ўзгартириш ва қўшимчалар киритиш тўғрисидаги 2016 йил 26 октябрдаги 362-сонли қарори талаблари асосида ўзлари ишлаётган кафедра, факультетдан ташқари бошқа факультет, кафедра, ташкилотларда ўриндошлик асосида ишлаш (асосий иш жойи билан келишилган ҳолда);

хорижий ҳамкасбларнинг соҳага доир илмий ва ўқув-услубий адабиётлари билан танишиш ва улар билан фикр алмашиш;

ўз фани бўйича сифатли дарсликлар ва ўқув қўлланмалар тайёрлаш;

назарий билимларини амалий тажрибасини, илмий тадқиқот олиб бориш услубини, педагогик маҳоратини такомиллаштириб бориш;

талабаларнинг илмий тадқиқот ишларига раҳбарлик қилиш;

грантлар, илмий лойиҳалар, хўжалик шартномаларида иштирок этиш;

Ўзбекистон Республикасининг таълим соҳасига оид қонунчилигида белгиланган бошқа ҳуқуқлардан фойдаланиш.

32. Тошфармининг педагог ва илмий ходимларининг мажбуриятлари қуйидагилардан иборат:

“Таълим тўғрисида”ги қонун қоидаларига, меҳнат интизомига, институт

Уставига, ички тартиб қоидаларига қатъий риоя қилиш; ўзининг хизмат вазибаларини виждонан бажариш ва ўқитувчилик шаънига доғ туширмаслик; иш жараёнида мулоқот қиладиган институт ходимлари, талабалари ва бошқа шахслар билан хушфёъл муносабатда бўлиш;

иш берувчининг қонуний буйруқ ва фармойишларини бажариш, хар йили тасдиқланадиган шахсий режа асосида ўқув-услугий, илмий ва маънавий-маърифий ишларни ўз вақтида ва сифатли бажариш, хусусан:

а) ўқув юктамалари хажмини, ўқув-услугий, илмий ўқув-ташкилий ишларни тасдиқланган шахсий режа асосида бажариш ва маънавий-маърифий ишларда иштирок этиш;

б) дарслик, ўқув қўлланма тайёрлаш, ўқув абадиётлар, илмий мақолалар, монографиялар ёзиш;

в) тарбиявий ишларни олиб бориш, талабалар билан маънавий-маърифий ишларда бевосита иштирок этиш,

д) Кенгаш томонидан тасдиқланган кафедра илмий йўналишларида иштирок этиш;

е) ўз малакасини мунтазам равишда ошириш;

мехнатни муҳофаза қилиш, техника хавфсизлиги ва ишлаб чиқариш санитариясига доир қоидаларига риоя қилиш;

институтнинг мол-мулкани авайлаш, ундан оқилона фойдаланиш;

иш берувчига бевосита етказилган ҳақиқий моддий зарарни қоплаш;

институт жамоатчилиги ишларида қатнашиш;

педагогик ва илмий жараённинг самарадорлигини таъминлаш;

таълим олувчиларнинг танлаган йўналиши (мутахассислиги) бўйича юксак касбий тайёргарлигини, мехнатга бўлган қобилиятини шакллантириш;

чет тили ва ахборот-коммуникация технологияларидан саводхонлигини ошириб бориш;

таълим олувчиларда мустақил фикрлаш, ташаббускорлик, ижодий қобилиятни шакллантириш;

«Устоз-шогирд» тизимида иштирок этиб, ўзига бириктирилган шогирдлар билан илмий, маънавий-маърифий, тарбиявий ишларни амалга ошириш;

ўзининг одоби, маданияти, маънавий савияси билан ўрнатилган бўлиш;

қийиниш маданиятига риоя этиш;

мамлакатимизда амалга оширилаётган ислохотлар ва жаҳонда рўй бераётган янгиликлардан хабардор бўлиш;

институт, факультет, кафедра томонидан ташкил этиладиган маданий, маънавий, маърифий тадбирларда фаол иштирок этиш;

ўзи ўқитадиган фан дастурини мунтазам фан ва техника ютуқлари асосида бойитиб бориш;

дарсларни юқори савияда ўтиш;

фан йўналишига тегишли янги манбаларни топиш ва улар билан талабаларни таништириб бориш;

хар йили ўқув йили бошлангунга қадар ўзи ўқитадиган фаннинг ишчи ўқув дастури, календар режаси ва рейтинг назоратлари жадвалини ишлаб

чиқиш ва кафедра мажлисида тасдиқлаш;
рейтинг тадбирларини ўз вақтида ўтказиш;
талабалар билимини ҳолисона баҳолаш;
янги педагогик технологияларни дарс жараёнида қўллаш;
илмий салоҳият ва педагогик маҳоратини ошириш;
талабалар илмий-тадқиқот ишларига раҳбарлик қилиш;
олий таълим тизимида амалга оширилаётган ислохотларда фаол катнашиш **мажбуриятларини олади.**

33. Институт педагог ходимларининг чет эл хизмат сафарлари амалдаги конунчилик ҳужжатлари асосида амалга оширилади.

34. Тошфарми институтнинг педагог ходимлари таркиби уч йилда камида бир маротаба малакасини ошириш кафолатини таъминлайди.

35. Тошфармининг маъмурий-хўжалик, муҳандислик-техника, ўқув-ёрдамчи ва бошқа хизмат ходимларининг ҳуқуқ ва мажбуриятлари институтнинг Ички тартиб-қоидалари ва лавозим йўриқномалари билан белгиланади.

IV. Ўқув-тарбиявий ва илмий ишлар

36. Тошфарми қуйидаги йўналиш ва мутахассисликлар бўйича олий таълим ва олий ўқув юртидан кейинги таълимнинг асосий таълим дастурлари, қўшимча таълим (кадрларни қайта тайёрлаш ва малакасини ошириш)нинг дастурларини амалга оширади:

Олий таълим: бакалаврият ва магистратура:

а) ишлаб чиқаришдан ажралган ҳолда (бакалаврият) ўқув шакли кундузги:

Фармация (турлари бўйича);

Касб таълими (фармация);

Саноат фармацияси (турлари бўйича);

Биотехнология (фармацевтик биотехнология);

Метрология, стандартлаштириш ва маҳсулот сифати менежменти (дори воситалари).

б) магистратура мутахассисликлари

Фармацевтик кимё ва фармакогнозия;

Фармацевтика ишини ташкил қилиш ва бошқариш;

Иммунобиологик ва микробиологик препаратлар технологияси;

Дориларнинг саноат технологияси.

Олий ўқув юртидан кейинги таълим институти: таянч докторантура, докторантура ёки мустақил изланувчанлик, қайта тайёрлаш ва малака ошириш.

37. Тошфарми таълимнинг асосий таълим дастурларини икки босқичда амалга оширади: бакалаврият ва магистратура.

Бакалаврият - таълим йўналиши бўйича фундаментал ва амалий билимлар берувчи ўқиш муддати 4 йилдан кам бўлмаган таянч олий таълимдир.

Бакалавр дастурини тугатган битирувчиларга давлат аттестацияси яқунлари бўйича таълим йўналиши бўйича «бакалавр» даражаси берилди ҳамда давлат намунасидаги диплом топширилади.

Магистратура - йўналишнинг муайян мутахассислиги бўйича фундаментал ва амалий билимлар берувчи бакалаврият негизида, ўқиш муддати 2 йилдан кам бўлмаган таянч олий таълимнинг иккинчи босқичидир.

Магистратура мутахассисликлари Ўзбекистон Республикаси Вазирлар Маҳкамаси, Соғлиқни сақлаш вазирлиги ҳамда Олий ва ўрта махсус вазирлиги томонидан белгиланади.

Магистратура дастурини тугатган битирувчиларга давлат аттестацияси яқунлари бўйича тайёрланган муайян мутахассислик бўйича “магистр” академик даражаси берилди ва давлат нусхасидаги диплом топширилади.

Магистратура мутахассисликларига Ўзбекистон Республикаси Вазирлар Маҳкамаси, Соғлиқни сақлаш вазирлиги, Олий ва ўрта махсус таълим вазирлиги томонидан ўзгартириш ва қўшимчалар киритилиши мумкин.

38. Бакалавр ва магистрлик давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофиқ таълим муассасаларининг навбатдаги босқичларида ўқишни давом эттириш ҳуқуқини беради.

39. Олий таълимнинг турли босқичида асосий таълим дастурлари бўйича дастлабки таълим олиш, иккинчи олий таълим олиш сифатида қаралмайди.

Олий ўқув юртидан кейинги таълим:

40. Таянч докторантура-Ўзбекистон Республикаси давлат бюджети маблағлари ҳисобидан молиялаштирилдиган, ишлаб чиқаришдан ажралган ҳолда мутахассисликни чуқур ўрганиш ва докторлик диссертациясини тайёрлаш ҳамда химоя қилиш мақсадида улар томонидан илмий изланишлар олиб бориш бўйича фалсафа доктори (PhD) илмий даражаси изланувчилари учун ташкил этиладиган олий малакали илмий ва илмий педогог кадрлар ихтисосликлари бўйича олий ўқув юртидан кейинги таълим шакли;

докторантура-Ўзбекистон Республикаси давлат бюджети маблағлари ҳисобидан молиялаштирилдиган, ишлаб чиқаришдан ажралган ҳолда мутахассисликни чуқур ўрганиш ва докторлик диссертациясини тайёрлаш ҳамда химоя қилиш мақсадида улар томонидан илмий изланишлар олиб бориш бўйича фалсафа доктори (DSc) илмий даражаси изланувчилари учун ташкил этиладиган олий малакали илмий ва илмий педогог кадрлар ихтисосликлари бўйича олий ўқув юртидан кейинги таълим шакли;

Мустақил изланувчанлик – ишлаб чиқаришдан ажралмаган ҳолда докторлик диссертациясини тайёрлаш ва химоя қилиш мақсадида мутахассисликни чуқур ўрганиш ва улар томонидан илмий изланишлар бўйича фалсафа доктори (PhD) ёки фан доктори (DSc) илмий даражалари изланувчилари учун ташкил этиладиган олий малакали илмий ва илмий-педогог кадрлар бўйича олий ўқув юртидан кейинги таълим шакли.

41. Олий ўқув юртларидан кейинги таълим институтига қабул

қилинадиган бакалавр, магистр ва фан номзоди ихтисослиги йўналиши Олий ўқув юртидан кейинги таълим ихтисослиги мансуб бўлган фан соҳасига мувофиқ бўлиши керак. Ихтисосликлар мувофиқ бўлмаганда ёки олий ўқув юртидан кейинги таълимни фаннинг турдош соҳаларида олиш режалаштирилган ҳолларда талабгорлар Вазирлар Маҳкамаси ҳузуридаги Олий аттестация комиссияси ҳамда Фан ва технологияларни ривожлантиришни мувофиқлаштириш қўмитаси томонидан белгиланадиган тартибда қўшимча имтиҳонлар топшириши керак.

Хорижий фуқароларни ва фуқаролиги бўлмаган шахсларни Олий ўқув юртидан кейинги таълим институтларига қабул қилиш қонун ҳужжатларига ва Ўзбекистон Республикасининг халқаро шартномаларига мувофиқ Олий ўқув юртидан кейинги таълимга қабул квоталаридан ортиқча тўлов-контракт асосида амалга оширилади.

42. Тошфарми фармацевт кадрлар малакасини ошириш ва қайта тайёрлаш факультетида ўқиш натижаларига кўра тингловчиларга ўрнатилган тартибда тасдиқланган намунадаги сертификат берилади.

43. Тошфармида таълим жараёнини ташкил этиш, таянч олий таълим муассасаси томонидан ишлаб чиқилнадиган ва ўрнатилган тартибда тасдиқланадиган ўқув режалари ва фанларнинг дастурлари, институт ректори (ўқув ишлари бўйича проректор) томонидан тасдиқланган йиллик календар ўқув жадвали ҳамда машғулотлар жадвали билан тартибга солинади.

44. Таълим жараёнини мақсадли йўналтириш йўли билан ташкил этиш, яъни таълим шакллари, услуб ва воситаларни танлаш йўли билан институт талабаларига олий таълимнинг асосий касбий таълим дастурларини ўзлаштириш учун зарурий шароитларини яратиб берилиши таъминланади.

45. Таълим-тарбия жараёнининг бирлиги давлат таълим стандартлари билан таъминланади. Институтнинг ижтимоий-иқтисодий ва гуманитар фанлари кафедралари, маънавий-маърифий ва спорт бўғинларига, жамоатчилик ташкилотларига раҳбарлик қилиш ва уларнинг фаолиятини мувофиқлаштириб бориш маънавият ва маърифат ишлари бўйича проректор томонидан амалга оширилади.

46. Тошфармида ўқув машғулотларининг қуйидаги асосий турлари белгиланган: маъруза, консультация, семинар, амалий машғулот, лаборатория иши, назорат иши, коллоквиум, мустақил иш, амалиёт, курс лойихаси (курс иши), магистрлик диссертацияси.

Аудитория машғулотларининг барча турлари учун 45 дақиқалик академик соат белгиланган. Ўқув машғулотлари орасидаги танаффус камида 10 дақиқа бўлади.

Институтда таълим ва тарбия ишлари ўзбек, рус ҳамда инглиз тилларида олиб борилади.

47. Тошфармида кадрлар тайёрлаш ишлаб чиқаришдан ажралган ҳолда олиб борилади.

48. Олий таълимнинг асосий касбий таълим дастури доирасида таълим олишнинг барча шакллари учун ўрнатилган тартибда ишлаб чиқилган ва “Ўзстандарт” агентлигида давлат рўйхатидан ўтказилган давлат таълим

стандарти қўлланилади.

49. Тошфармида ўқув йили икки семестрга бўлинади ва унинг ҳар бирида талабаларнинг ўзлаштириши рейтинг назорати шаклида олиб борилади.

Ўзлаштирувчи талабаларни курсдан курсга ўтказиш факультет деканининг тавсиясига биноан ректор буйруғи билан амалга оширилади. Талабаларни курсдан курсга шартли ўтказиш мумкин эмас.

Олий таълимнинг таълим дастурларини ўзлаштириш, Олий ва ўрта махсус таълим вазирлиги томонидан тасдиқланган ва Адлия вазирлигидан давлат рўйхатидан ўтказилган “Олий таълим муассасалари талабалари билимини назорат қилиш ва баҳолашнинг рейтинг тизими тўғрисидаги Низом”га мувофиқ тартибга солинади, “Ўзбекистон Республикаси Олий таълим муассасалари битирувчиларининг якуний давлат аттестацияси тўғрисидаги Низом”га асосан битирувчиларнинг якуний аттестацияси билан тугалланади.

50. Тошфармида инновацион педагогик ва ахборот технологиялари, таълимни индивидуаллаштириш ва мустақил таълим олиш воситаларини, модул тизими ҳамда масофавий таълим беришни қўллаш ҳисобига мутахассислар тайёрлаш сифатини оширишга йўналтирилган илмий-услубий ишлар амалга оширилади.

51. Тошфарми Кенгашининг тематик режалари бўйича, бажариладиган ишларининг сифати ҳамда меҳнат хавфсизлигини таъминлаган ҳолда талабалар, докторант ва изланувчиларни кенг жалб этиб, илмий-тадқиқот ва ижодий ишларни олиб боради.

52. Илмий тадқиқотлар қуйидаги маблағлар ҳисобидан молиялаштирилади:

фан, техника ва маданиятнинг муҳим йўналишлари бўйича фундаментал, амалий ҳамда инновацион тадқиқотларни бажариш учун ажратиладиган давлат бюджети маблағлари;

шартнома асосида соҳа вазирликлари, идоралари, корхоналар, бирлашмалар ва бошқалар, шу жумладан хорижий ташкилотлар маблағлари.

жисмоний шахслар ва хомийлар маблағлари.

53. Тошфармида Ўзбекистон Республикаси Вазирлар Маҳкамасининг 2006 йил 16 февраль 25-сонли «Педагог кадрларни қайта тайёрлаш ва уларнинг малакасини ошириш тизимини янада такомиллаштириш тўғрисида»ги Қарорига мувофиқ кадрларни қайта тайёрлаш ва малакасини ошириш факультетида ходимлар учун қўшимча касбий таълим дастурлари амалга оширилади ва тегишли мутахассисликлар бўйича қисқа муддатли пуллик касбий курслар ташкил этилган.

Кадрларни қайта тайёрлаш ва малакасини ошириш факультетида ўқиш натижаларига кўра ўрнатилган тартибда тасдиқланган давлат намунасидаги сертификат (диплом) берилади.

V. Институтнинг тузилиши

54. Тошфармининг таркибига қуйидагилар киради:

а) Факультетлар

Фармация факультети

Саноат фармацияси факультети

Фармацевт кадрлар малакасини ошириш ва қайта тайёрлаш факультети

б) Кафедралар

Ноорганик, физик ва коллоид кимё кафедраси;

Аналитик кимё кафедраси;

Органик ва биологик кимё кафедраси;

Токсикологик кимё кафедраси;

Фармакогнозия кафедраси;

Фармацевтик кимё кафедраси;

Фармацевтика ишини ташкил қилиш кафедраси;

Дори турлари технологияси кафедраси;

Фармакология ва клиник фармация кафедраси;

Дори воситалари саноат технологияси кафедраси;

Биотехнология кафедраси;

Тиббий ва биологик фанлар кафедраси;

Метрология ва стандартлаштириш кафедраси;

Физика, математика ва ахборот технологиялари кафедраси;

Тиллар кафедраси;

Ижтимоий фанлар кафедраси;

Фармацевтика ишини ташкил қилиш ва фармацевтик технология кафедраси;

Фармакогнозия ва дори воситаларини стандартлаш кафедраси.

Белгиланган тартиб асосида кафедралар таркибида илмий ва ўқув лабораториялари фаолияти йўлга қўйилиши мумкин.

в) Бўлимлар

Ректорат;

Таълим сифатини назорат қилиш бўлими;

Мониторинг ва ички назорат бўлими;

Маркетинг бўлими;

Ходимлар бўлими;

Девонхона ва архив;

Биринчи бўлим;

Иккинчи бўлим;

Халқаро алоқалар бўлими;

Фармация факультети деканати;

Саноат фармацияси факультети деканати;

Фармацевт кадрлар малакасини ошириш ва қайта тайёрлаш факультети деканати;

Ўқув-услубий бўлим;

Магистратура бўлими;
Ахборот-ресурс маркази;
Ахборот технологиялари маркази;
Академик лицей ва касб-хунар коллежлари билан ишлаш бўлими;
“Маънавият ва маърифат” бўлими
Талабалар турар жойи маъмурияти;
Тошфарми музейи;
Илмий-педагогик кадрларни тайёрлаш ва иқтидорли ёшлар билан ишлаш бўлими;
Марказий илмий-тадқиқот лабораторияси (кимёвий, технологик, тиббий-биологик бўлинмалар ва доривор ўсимликларни етиштириш тажриба участкаси, виварий);
Илмий инновацион ишланмаларни тижоратлаштириш бўлими;
Режа ва молия бўлими;
Бухгалтерия;
Техник фойдаланиш ва хўжалик бўлими;
Фуқаро муҳофазаси ва меҳнатни муҳофаза қилиш бўлими;
Автоматлаштирилган телефон станцияси (АТС);
“Чимён” соғломлаштириш ва ўқув-амалиёт базаси;
Ўқув-ишлаб чиқариш устахонаси (шишасозлик, фрезерлик ва б.);
1-ўқув биноси;
2-ўқув биноси;
3-ўқув биноси;
Умумий овқатланиш ошхонаси;
Автогараж.

Белгиланган тартиб асосида Тошкент фармацевтика институтида Академик лицей фаолият кўрсатади.

г) Жамоат ташкилотлари:

Ходимлар ва талабалар касаба уюшмаси қўмитаси;
Хотин-қизлар қўмитаси;
“Ўзбекистон ёшлар иттифоқи” ЁИХБТ;
Мураббийлар кенгаши ва х.к..

Институт таркибий тузилмасига Ўзбекистон Республикаси Вазирлар Маҳкамаси, Соғлиқни сақлаш вазирлиги, Олий ва ўрта махсус таълим вазирлиги томонидан белгиланган тартибда ўзгартириш ва қўшимчалар киритилиши мумкин.

VI. Институтга раҳбарлик қилиш

55. Тошфармини бошқариш Ўзбекистон Республикаси қонунчилиги ҳамда ушбу Уставга мувофиқ яқка раҳбарликни институт Кенгаши, Васийлар кенгаши орқали жамоатчилик бошқарувини уйғунлаштириш тамойили асосида амалга оширилади.

56. Тошфармини бевосита бошқариш Ўзбекистон Республикаси

Президентининг 1992 йил 9 мартдаги Р-13 7-сон “Олий ўқув юртлари раҳбар кадрларни тайинлаш тартибини тасдиқлаш тўғрисида”ги ҳамда 2005 йил 7 майдаги Р-2209-сон “ Олий ўқув юртлари ректорлари ва проректорларини тайинлаш тартиби тўғрисида”ги Фармойишларида белгиланган тартиб асосида тайинланадиган ректор томонидан амалга оширилади.

Ректор институт фаолиятига, шунингдек, институтнинг “Олий таълим тўғрисида”ги қонун “Ички тартиб қоидалари”, ҳамда мазкур Уставда белгиланган мажбуриятлар учун тўла масъулдир.

Ректор - Ўзбекистон Республикаси қонунчилигига мувофиқ институт номидан иш олиб боради, барча идоралар, муассасалар, корхоналарда унинг вакили сифатида қатнашади, институтнинг мол-мулкига масъуллик қилади, шартномалар тузади, ишончномалар беради, банк муассасаларида институтнинг ҳисоб рақамларини очади, молиявий маблағлардан ўрнатилган тартибда фойдаланиш бўйича фармойишлар беради.

Ректор институтнинг ваколати доирасида:

институтнинг барча ходимлари, талабалари ва бошқа таълим олаётганлар учун мажбурий бўлган буйруқлар, фармойишлар чиқаради ва топшириқлар беради;

бўйсунувчи вазирлик билан келишилган ҳолда факультет деканлари ва бош бухгалтер лавозимига тайинлайди ҳамда лавозимидан озод қилади;

институтнинг проректорлари лавозимига номзодларни тавсия этади ва уларнинг муайян вазифалари ҳамда масъулиятларини белгилайди;

институтнинг ходимлари ва хизматчиларини, шунингдек илмий-педагогик ходимларини Ўзбекистон Республикаси меҳнат қонунчилиги ва Вазирлар Маҳкамаси томонидан белгиланган тартибда ишга олиш ва бўшатишни амалга оширади;

институт таркибига кирган илмий тадқиқот, тажриба-экспериментал ҳамда бошқа ташкилот ва бўлинмаларнинг вазифаларини белгилайди ва улар тўғрисидаги низомларни тасдиқлайди;

институт ходимларининг лавозим маошларига ҳар ойлик устамалар ва қўшимчаларни белгилайди;

институт касаба уюшма қўмитаси ёки бошқа ваколатли органи билан келишган ҳолда Ички тартиб қоидаларини тасдиқлайди, жамоа шартномасини имзолайди;

институтнинг амалдаги қонун ҳужжатлари ёки вазирликнинг норматив-ҳуқуқий ҳужжатлари бузилган ҳолда чиқарилган буйруқларини бекор қилади;

институтда намунавий штат бирликларига мувофиқ ажратилган маблағлар ҳамда иш ҳақи фонди, тасдиқланган институт ходимларининг сони ва лавозим маошлари, тариф сеткаси доирасида институт профессор-ўқитувчилари таркиби ва ходимларининг штат бирлигини тасдиқлайди ҳамда лавозим маошларини белгилайди;

институт Кенгашининг тавсиясига кўра ўрнатилган тартибда тегишли норматив-ҳуқуқий ҳужжатларга мувофиқ факультетларни, кафедраларни очиш ёки ёпиш қарорларини тасдиқлайди.

57. “Олий таълим муассасасининг кафедраси тўғрисидаги Низом” талабларидан келиб чиққан ҳолда институт Кенгашининг тавсиясига кўра кафедралар ташкил этилади ёки тугатилади.

58. Институт ректорига ўзи ишлаётган институтда ва ундан ташқарида ҳақ тўланадиган бошқа раҳбарлик лавозимида (илмий ва илмий-методик раҳбарлик, сиёсий партиялар, касаба уюшмалари ва жамоат бирлашмалари марказий ва ҳудудий органларининг сайлаб қўйиладиган лавозимларида раҳбарликдан ташқари) ўриндошлик бўйича ишлашга руҳсат этилмайди. Ректор ўз вазифаларини ўриндошлик бўйича бажариши мумкин эмас.

59. “Олий таълим тўғрисидаги Низом”га мувофиқ Тошфармида институт фаолиятининг асосий масалаларини кўриш учун Кенгаш ташкил этилади.

Кенгаш раиси ректор ҳисобланади, Кенгаш таркибига проректорлар, факультетлар деканлари ҳамда мутахассислар тайёрловчи кафедралар мудирлари, шунингдек, талабалар ва олий таълим муассасаси ходимлари касаба уюшмаси кенгаши вакиллари киради. Кенгашнинг бошқа аъзолари умумий мажлисда (конференцияда) яширин овоз бериш йўли билан сайланади. Профессор-ўқитувчилар таркибидан Кенгашга сайланадиганлар сони ректор буйруғи билан белгиланади.

Кенгашнинг ваколати, уни сайлаш ва фаолият юритиш тартиби таълимни бошқариш бўйича ваколатли давлат органи томонидан тасдиқланган “Олий таълим муассасасининг Кенгаши тўғрисида”ги Низом билан белгиланади.

60. Тошфармида Васийлар кенгаши олий таълим муассасасини бошқарувчи жамоатчилик органи ташкил этилади ва унинг таркибига муассис-вазирликлар, маҳаллий ҳокимият, ишбилармон доиралар, жамоатчилик ташкилотлари, жамғарма ва васийлар, бошқа таълим муассасаларининг вакиллари киради.

Васийлар кенгашининг таркиби, ваколатлари, шакллантириш таркиби ва фаолияти “Васийлар кенгаши тўғрисида”ги Низом билан белгиланади.

61. Тошфармида касаба уюшмалари ва бошқа жамоатчилик ташкилотлари фаолият кўрсатади. Талабалар ва ходимлар манфаатларини ҳимоялашни соғлиқни сақлаш ходимлари касаба уюшмалари ҳамда уларнинг институтдаги сайланган органлари амалга оширади. Талабалар ва ходимларни ваколатли органларининг ҳуқуқлари ва уларга нисбатан институт маъмуриятининг мажбуриятлари қўйидагилардир:

институт ички тартиб қоидаларига ҳамда меҳнат қонунчилигига риоя қилиш;

Ўзбекистон Республикасининг сиёсий ва маданий ҳаётида рўй бераётган ўзгаришлар, Республика Президентининг Фармонлари, Қарорлари ҳақида талабалар орасида тушунтириш ишларини олиб бориш;

маънавият ва маърифат масалалари бўйича етук мутахассис бўлиш;

педагогик жараённинг юқори самарадорлигини таъминлайдиган ўқув услубларини танлаш, фаннинг ютуқларини ўқув жараёнига татбиқ қилиш;

ўқув жараёнига талабалар билимини аниқлашнинг янги усули -

рейтинг тизимини мунтазам татбиқ қилиш;

талабаларни маънавият ва маърифат масалаларида илғор қилиб тарбиялаш, уларда умумбашарий ва миллий қадриятларни тарбиялаш, уларни ватанпарварлик, байналминалчилик, меҳр-шафқат руҳида тарбия қилиш, улардаги мустақиллик, ташаббускорлик, ижодийлик ҳислатларини ўстириш;

бўлажак мутахассисларга жаҳон андозаларига мос келадиган талаблар асосида билим беришни ташкил қилиш, уларни илмий-тадқиқот ишларига жалб этиш;

институт ва кафедраларнинг ташкилот ва корхоналар, хўжаликлар билан тузган шартномаларини бажаришда ўз иштироки билан хисса қўшиш;

касб-маҳоратини тинмай ошириб бориш, мунтазам равишда ҳар уч йилда бир марта, турли шаклларда малака ошириш таълимини ўташ;

аҳоли орасида илмий ва сиёсий билимларни тарқатиш;

педагог, илмий, ўқув-ёрдамчи ва бошқа ходимларни ижтимоий-иқтисодий ҳимоялаш, меҳнат муҳофазаси ва техника хавфсизлиги қоидаларига риоя қилиш.

Амалдаги низомларга мувофиқ Тошфармида илмий ва ихтиёрий жамиятлар, илмий-услубий, илмий-техник кенгашлар ва комиссиялар, ёш олимлар кенгаши, мураббийлар кенгаши, нурунийлар кенгаши ва бошқалар ташкил этилиши мумкин.

Ректорат ва Кенгаш ўз фаолиятида институт жамоатчилик ташкилотларининг тавсияларини кўриб чиқади ва ўз фаолиятларида уларни ҳисобга олади.

62. Тошфарми факультетларини Соғликни сақлаш вазирлиги билан келишилган ҳолда ректор томонидан тайинланадиган деканлар бошқаради.

Факультетлар деканлари ўз фаолиятида “Олий таълим муассасасининг факультети тўғрисида”ги Низомга амал қилади.

“Олий таълим муассасасининг факультети тўғрисида”ги Низомга мувофиқ факультетда илмий кенгаш ташкил этилиши мумкин.

Илмий Кенгашнинг таркиби, ваколатлари, шакллантириш ва фаолиятининг тартиби “Олий таълим муассасаси факультетининг илмий Кенгаши тўғрисида”ги Низом билан белгиланади.

63. Кафедра фаолиятига Ўзбекистон Республикаси Вазирлар Маҳкамаси томонидан тасдиқланган Низомга мувофиқ танлов асосида институтнинг Кенгаши томонидан сайланадиган мудир раҳбарлик қилади.

Кафедра мудирининг ваколатлари ва кафедра фаолиятининг тартиби “Олий таълим муассасасининг кафедраси тўғрисида”ги Низом билан белгиланади.

VII. Молия–хўжалик фаолияти ва моддий-техник базаси

64. Тошфармига ушбу Уставда назарда тутилган фаолиятни амалга ошириш мақсадида оператив бошқариш ҳуқуқи билан давлат (таъсисчи)си томонидан бинолар, иншоотлар, мулкий мажмуалар, институтнинг паспортига мувофиқ асбоб-ускуналар, шунингдек истеъмол, ижтимоий,

маданий ва бошқа мақсадлар учун зарур бўлган мулклар бириктирилган.

Тошфарми фақат Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган объектлар қаторига киритилган.

Тошфармига ажратилган ер участкалари муддатсиз текин фойдаланиш учун бириктирилган.

65. Тошфарми жисмоний ва юридик шахслардан совға, ҳадя ёки васият бўйича берилган пул маблағлари, мол-мулк ва бошқа мулкӣ объектларга, олий таълим муассасаси фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинadиган мулкӣ объектларга эгалик қилиш ҳуқуқига эга.

66. Тошфарми мол-мулкни ижарага олувчи ва мол-мулкни ижарага берувчи сифатида фаолият кўрсатиш ҳуқуқига эга. Ўзбекистон Республикасининг Фуқаролик кодекси ва Ўзбекистон Республикаси Вазирлар Маҳкамаси томонидан тасдиқланган “Давлат мулкни ижарага бериш тартиби тўғрисида”ги Низомга мувофиқ ўзига бириктирилган ижарага берилиши қонун ҳужжатларига зид бўлмаган бинолар, иншоотлар ва уларнинг қисмлари, асбоб-ускуналар, транспорт воситалари шаклидаги давлат мулки ва бошқа мол-мулкларни Кенгашнинг розилиги билан тасарруф этиш ҳуқуқисиз, белгиланган нархлар бўйича ижарага беришни амалга оширади.

Ижара ҳақи сифатида олинган маблағлар институтнинг моддий-техник базасини мустаҳкамлаш ва ривожлантириш учун фойдаланилади.

67. Тошфармининг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет маблағлари давлат томонидан белгиланган нормативлардан келиб чиққан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек бюджетдан ташқари маблағлар, жумладан талабалар ва тингловчиларни ўқитиш учун белгиланган тартибда олинган тўлов-шартнома асосидаги маблағлар ҳисобига амалга оширилади.

68. Тошфармининг асосий фаолиятига зарар етмайдиган тартибда таълим ва бошқа соҳаларда пуллик хизмат фаолиятини амалга ошириш, шунингдек газета ва даврий нашрлар ташкил этиши, ошхона ва буфетлар фаолиятини ташкил этиши мумкин. Тошфарми ҳудудида ва вилоятлар туманларида тадбиркорлик тизимида фаолият юритиб, қишлоқ хўжалик экин майдонларида озиқ-овқат маҳсулотлари етиштириш, бюджетдан ташқари маблағлар ишлаб топиш, бюджетдан ташқари тушум маблағларини институт моддий-техника базасини ривожлантириш учун сарфлаш ҳамда қишлоқ хўжалик ҳосилидан олинган озиқ-овқат маҳсулотлари ҳисобидан институт ишчи-ходимларини ва талабаларини ижтимоий ҳимоя қилиш мақсадида фойдаланиш ҳуқуқига эга.

Институт ўз мулки билан хўжалик органлари ва ширкатларнинг Низом жамғармасида қатнашиш, пуллик таълим хизматлари, консултациялар ва бошқа хизматлар учун нархларни белгилаш, солиқ ва қонунчиликда назарда

тутилган бошқа мажбурий тўловлардан сўнг қолган даромадни мустақил тасарруф этиш ҳуқуқига эга.

Институтнинг пуллик таълим хизматлари кўрсатишни бюджетдан ажратиладиган маблағлар ҳисобидаги таълим фаолияти доирасида ва унинг ўрнига амалга оширилиши мумкин эмас.

Институт Ўзбекистон Республикаси қонунчилигига ҳамда мазкур Уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қилади.

69. Тошфармида лавозим маошлари меҳнат шартномаси (битими) тузилаётганда “Олий таълим муассасалари ходимлари меҳнатига ҳақ тўлаш тўғрисида”ги Низом ва меҳнатга ҳақ тўлашнинг ягона тариф сеткасига мувофиқ белгиланади. Олий таълим муассасаси ходимига лавозим маоши (бирлик - ставка), ўз функционал вазифаларни ҳамда меҳнат шартномасида назарда тутилган ишларни бажарганлиги учун тўланади. Қўшимча маош, устама ва бошқа моддий рағбатлантириш тадбирларининг ҳажмини олий таълим муассасаси мустақил, иш ҳақи фонди доирасида қонунчиликда назарда тутилган тартибда ва ҳажмда белгилайди.

Белгиланган маошлар аттестация натижасига кўра фақат уни ошириш мақсадида қайта қўриб чиқилиши мумкин.

70. Тошфарми институтда амалдаги қонунлар асосида ташкил этилган жамоат ташкилотларига фаолият кўрсатишлари учун зарур бўлган хоналарни меъёрий шарт-шароитлар таъминланган ҳолда ажратади.

Институт қошидаги тиббий пунктга, шунингдек, унинг ҳудудида жойлашган институтнинг балансида бўлган ҳамда таълим олувчилар ва ходимларга хизмат кўрсатувчи ошхона ва бошқа умумий овқатланиш муассасаларига электр, газ, иситиш, ва сув энергия ресурслари билан таъминланган хоналар ажратиб беради.

Институтнинг тегишли биноларини таъмирлаш, реконструкция қилиш ёки янгиларини қуриш, уларнинг молиявий таъминоти қонунчиликда белгиланган тартибда амалга оширилади.

71. Институтда гиёхвандлик воситалари, психотроп моддалар ва прекурсорлардан, шунингдек, экспериментал хайвонлардан ўқув ва илмий мақсадларда фойдаланиш фаолияти амалдаги қонунчиликда белгиланган тартибда амалга оширилади.

VIII. Халқаро ҳамкорлик

72. Тошфарми Ўзбекистон Республикаси олий ва олий таълимдан кейинги таълим соҳаларидаги халқаро ҳамкорлигида қуйидаги тартибда қатнашиш ҳуқуқига эга:

Институт Кенгашининг қарорига биноан хорижий давлатларнинг тегишли ўқув юрти билан бевосита алоқаларни ўрнатиш, улар билан ҳамкорлик тўғрисида шартномалар тузиш, қонунчиликда белгиланган тартибда ҳамкорликда факультет ва кафедралар ташкил этиш;

талабалар, изланувчилар, педагогик ва илмий ходимлар билан икки

томонлама алмашиш дастурида иштирок этиш;

ҳамкорликда илмий-тадқиқотлар, шунингдек, конференция, семинар, видеоконференция, конгресслар, симпозиумлар ва бошқа тадбирларни ўтказиш;

хорижий юридик шахсларнинг буюртмалари бўйича фундаментал ва амалий-илмий тадқиқот ишларини амалга ошириш;

олий ва олий ўқув юртидан кейинги касбий таълимни такомиллаштириш халқаро дастурларида иштирок этиш.

Тошфармида чет эл фуқароларини тайёрлаш, қайта тайёрлаш ва уларнинг малакасини ошириш, институт педогог ва илмий ходимларининг Ўзбекистон Республикаси ҳудудидан ташқарида ўқитувчилик ва илмий тадқиқотчилик ишлари давлатлараро органининг хорижий давлатларнинг таълимни бошқариш бўйича тегишли органлари орасидаги шартномалар, шунингдек, Тошфармининг қонунчиликка мувофиқ чет эл фуқаролари ва хорижий юридик шахслар билан бевосита тузган шартномалари асосида амалга оширилади.

73. Тошфарми Ўзбекистон Республикаси “Таълим тўғрисида”ги Қонунининг 33- моддасига мувофиқ таълим муаммолари юзасидан халқаро ҳамкорликда иштирок этадилар, чет давлатларнинг тегишли ўқув юртлари билан бевосита алоқалар ўрнатиш, қонун ҳужжатларида белгиланган тартибда улар билан кўшма ўқув юртлари ташкил этиш ҳуқуқига эга.

74. Тошфарми қуйидаги ҳуқуқларга эга:

халқаро нодавлат ташкилотларга кириш;

Ўзбекистон Республикасининг халқаро шартномалари деб қаралиши мумкин бўлмаган, хорижий шериклар билан ҳамкорликдаги фаолият тўғрисида белгиланган тартиб асосида шартномалар тузиш;

хорижий шериклар иштирокида институтнинг таркибий бўлинмалари (марказлар, лабораториялар, техник саройлар ва бошқа бўлинмалар)ни қонунчиликда кўзда тутилган тартибда ташкил этиш.

75. Тошфарми Ўзбекистон Республикасининг қонунчилигига мувофиқ ушбу Уставда назарда тутилган ва “Таълим тўғрисида”ги қонун ҳамда Кадрлар тайёрлаш миллий дастурида белгиланган вазифаларни бажаришга, шунингдек халқаро алоқаларни ривожлантиришга йўналтирилган ташқи иқтисодий фаолият билан шуғулланиш ҳуқуқига эга.

76. Тошфармининг ташқи иқтисодий фаолиятдан тушган валюта, моддий тушумлари қонунчиликка биноан унинг Уставида белгиланган фаолиятини таъминлаш учун ишлатилади.

IX. Институт фаолиятини назорат қилиш

77. Институт ҳисобот даври тугагач, ваколатли органларга молиявий ҳисоботни ва рўйхати қонун ҳужжатларида белгиланган бошқа ҳужжатларни тақдим этади ҳамда ҳужжатларнинг сақланиши ва уларнинг белгиланган тартибда давлат томонидан сақлашга берилиши учун жавоб беради.

78. Институт фаолиятини хўжалик юритувчи орган сифатида назорат

қилиш қонун ҳужжатларида белгиланган тартибда муассис ва бошқа ваколатли давлат органлари томонидан амалга оширилади.

Х. Қайта ташкил этиш ва тугатиш

79. Тошфарми Ўзбекистон Республикасининг қонунчилигида белгиланган тартибда қуйидагиларга жавоб беради:

унинг ваколатига киритилган вазифаларни бажармаганлиги;

таълим жараёнида ўқув режа ва жадвалларга мувофиқ таълим дастурлари ҳажмини тўлиқ бажармаганлиги;

таълим жараёни вақтида институтда таълим олувчилар ва ходимларининг ҳаёти ва соғлиғи;

таълим олувчилар ва олий таълим муассасаси ходимларининг ҳуқуқ ва эркинликларнинг бузилганлиги;

Ўзбекистон Республикасининг қонунчилигида назарда тутилган бошқа хати-ҳаракатлар.

80. Тошфарми Ўзбекистон Республикаси қонунчилигига мувофиқ белгиланган тартиб асосида қайта ташкил қилиниши ёки тугатилиши мумкин.

Институтнинг Устави намунавий Уставда белгиланган тавсияларни инобатга олган ҳолда ишлаб чиқилди.

Институт Устави Кенгашда муҳокама қилиниб, Ўзбекистон Республикаси Соғлиқни сақлаш вазири томонидан тасдиқланади, ўрнатилган тартибда давлат рўйхатидан ўтказилади ва кучга киритилади.

Институтнинг Уставига ўзгартириш ёки қўшимчалар киритиш белгиланган тартибда амалга оширилади.

Мазкур Уставни ишлаб чиқиш жараёнида Ўзбекистон Республикаси Меҳнат Кодекси, Ўзбекистон Республикаси “Олий таълим тўғрисидаги” Қонун, Давлат таълим стандартлари, Кадрлар тайёрлаш миллий дастури, Ўзбекистон Республикаси Олий ва ўрта махсус таълим вазирлиги ва Ўзбекистон Республикаси Соғлиқни сақлаш вазирлигининг меъёрий-ҳуқуқий ва услубий ҳужжатларидан фойдаланилди.

Кирилди:

Тошкент фармацевтика
институти ректори

И.И.Алимджанов

Келишилди:

Ўзбекистон Республикаси
Соғлиқни сақлаш вазирининг
биринчи ўринбосари

Б.Қ.Юсупалиев

Ўзбекистон Республикаси
Соғлиқни сақлаш вазирлиги
Фан ва тиббий таълим Бош
бошқармаси бошлиғи

Ў.С.Исмаилов

Ўзбекистон Республикаси
Соғлиқни сақлаш вазирлиги
Иқтисодиёт ва молиялаштириш ва
истикболни аниқлаш Бош
бошқармаси бошлиғи

М.М.Мирталипов

Юридик бўлим бошлиғи

Р.И.Махамадиев

Юрисконсулт

Г.С.Абдурахмонова

[Handwritten signature]

рақамланди ва

илланди

[Handwritten initials] бешда

